



## **Forum Ecclesiasticum**

In Quo Jus Canonicum Universum, Librorum Ac Titulorum Ordine Per  
Quæstiones Et Responsa, Tam Canonistarum Veterum & Recentiorum,  
quàm Legistarum, in iis, quæ Utrique Juri, Canonico Et Civili Communia  
Sunt, Authoritate stabilita, Methodo clara & facili explanantur

**Leuren, Peter**

**Moguntiae, 1719**

Cap. I. De status religiose origine, essentia, varietate deque personis  
capacibus cum suscipere.

---

[urn:nbn:de:hbz:466:1-73957](#)

# TITULUS XXX.

## De decimis, primitiis & oblationibus.

**T**itulus quoque hic quò ad decimas integrè à me tractant in foro benef. à quest. 464. usque ad quest. 499. ubi quest. 964. & duabus seq. de natura & divisione decimorum & jure, quo debentur q. 467. & seq. ex quibus rebus solvenda. q. 469. & duabus seq. quando qualiter solvenda decima. q. 473. usque ad q. 483. de personis, quibus & qualiter obvenire & deberi possunt decima. q. 483. & duabus seq. q. 486. usque ad q. 494. de exemptione à solvendis decimis per

privilegium, consuetudinem, prescriptionem, transactionem, permutationem q. 494. usque ad q. 498. de penis & compulsione non solventi decimas, deque iudice competente in causa illarum.

Primiciarum quoque materia compendio tractata à me in foro benef. p. 1. quest. unicà nempe 499.

De Oblationibus actum l.c. quest. 460. & tribus sequentibus, ubi quæsum & responsum, quid sint an & quo jure, ex quibus rebus, & cui debeat, quæ vide.

# TITULUS XXXI.

## De regularibus & transeuntibus ad aliam Religionem.

### CAPUT I.

#### De statu religiosi origine, essentia, varietate, deque personis eum suscipere capacibus.

**Quest. 805.** A quo & quo tempore originem suam duxerit status religiosus?

**R**esp. Status Religiosus in latiore significacione acceptus pro communitate aliqua hominum, qui speciali vivendi ratione se cultui & servitio Dei dedicant, tametsi aliquis existenter in lege veteri, ut constare videtur ex Nazara. num. 6. in Elia & Eliseo, quos etiam habuisse & habitasse Collegia, colligere licet ex 3. & 4. Lib. reg. Tambur, etiam de jure abb. Tom. 1. d. 2. q. 1. referat Samuelum instituisse Conventus Religiosorum jugiter psallentium. D. quoque Hieron. Episc. 4. ad rusticum. dicat: filii Prophetarum, quos Monachos in veteri Testamento legimus; ædificabant sibi Casulas prope fluenta Jordani, tametsi haec ita sint, nullum tamen statum Religiosum verè ac propriè talem, seu in ea perfectione & modo vivendi sub votorum certarumque regularum observantia extitisse in lege veteri, certum est, & cum communī assérunt Tambur. l.c. Mirand. in man. Prelat. Tom. 1. q. 3. a. 1. & 2. Sed primus secundum se & quò ad substantiam suam institutum in lege nova ab ipso Christo Domino, exhortante ad tria consilia & vota desuper facienda, ad paupertatem quidem. Matth. 19. vade & vende omnia. Matib. 10. nolite possidere aurum & argentum. Ad castitatem. Matth. codem capite. Sunt Eunuchi qui seipso castraverunt propter regnum Colorum, Ad obedientiam Matth. 16. qui vult venire post me abneget semetipsum, &c. consentiunt Catholici omnes, ac ita dici possit statum Religiosum quò ad substantiam esse de jure divino, non praecipiente, sed consilente cum Suar. Tom. 3. de relig. L. 3. c. 2. num. ait Pirh. b. t. num. 18. spectatus

verò status Religiosus secundum speciale modum vivendi juxta certas regulas substantiæ ipsius superadditum, non est immediate ex institutione Christi, sed Ecclesiæ, tum statuens certas conditiones, sine quibus vota religiosa, que sunt de essentia status Religiosi, ut talia acceptari non debeant, ad modum, quo Christus Sacra menta instituit, quò ad pertinentia ad eorum substantiam, relinquendo Ecclesiæ accidentalia determinanda. Suar. l.c. num. 6. tum conceptas à viris Sanctis Religionum Fundatoribus functiones seu regulas approbat. qualiter acceptus status Religiosus statim ab Exordio Ecclesiæ allumi & propagari & colli copit ab Apostolis, & aliis Christi Discipulis, uti eos fuisse veros Religiosos tradunt S. Chrysost. L. 3. contra monast. vite vituper. S. Hier. L. contra Jovinian. & apolog. ad Pamach. Platus. de bon. stat. relig. l. 2. c. 2. Donat. Tom. 4. tr. 1. q. 8. alligans D. Thomam. 2. 2. q. 88. a. 4. ad 3. Tamb. l.c. 10. l. d. 2. q. 9. & alii apud Reiffenst. h.t.n. 19.

**Quest. 806.** Qualiter status Religiosus in hac sua perfectione definatur?

**1.** R esp. Definiri potest, quòd si stabilis in communi sub jurisdictione alicujus Pralati, seu Superioris Ecclesiastici vivendi modus fidelium ad Christiana charitatis perfectionem tendentium, editis tribus substantialibus votis perpetua castitatis, paupertatis, obedientiæ ab Ecclesia approbat. ita fere Laym. th. mor. L. 4. c. 1. n. 1. & ex eo Pith. b. t. n. 2.

**2.** Dicitur primò: stabilis vivendi modus: si quidem ipsum illud verbum status quandam immobilitatem & perpetuitatem significat veræ Religioni essentiale, dum Religiosus obligatur, quantum

Dddd 2 est

est ex parte sua in assumpto semel vivendi modo, observatione nimurum dictorum trium consiliorum Evangelicorum conformi certis regulis, constanter ad finem vita usque perseverare. Unde & hanc observationem firmari voto continente perpetuitatem necesse est, ut docent. D. Tho. 2. 2. 9. 186. a. 6. Suar. Tom. 3. de relig. L. 2. c. 3. an. 3. Sanch. L. 5. mor. c. 1. num. 18. ita, ut non sufficiat nudum propositum aut etiam votum servandi dicta consilia præcindens à perpetuitate, vel extendens se ad determinatum tempus, sed requiritur, ut conceputum sit in totum vita tempus, ut Sanch. l. c. atque ita dari nequit religio propriè talis, in qua liberum sit Religioso iterum dicescere, bene dicunt Pelliz. l. c. num. 17. q. 11. Pirl. b. t. num. 6. et si dari possit, & de facto detur Religio, quo non tenetur Religiosum perpetuo retinere, sed possit illum ob iustas causas dimittere ut constat de Societate Jesu ex declaratione Julii III. in Bulla illius confirmatoria Societatis edita 1550. & Bulla Gregor. XIV. de anno 1591. idque absque eo, quod talis contratus, quo Religiosus se tradit & obligat, perpetuo & irrevocabiliter Religioni ex parte sua, hæc vero traditionem acceptet, non obligando se vicissim absoluere ad Religiosum retinendum, sed solum, quam diu ad commune bonum Religionis expedire judicaverit, sit iniquus; cum contractus ille sit ex utraque parte voluntarius, adeoque pars utraque adjicere potest conditiones sibi bene placitas & convenientes aut necessarias, dum altera pars eas libere ac prudenter acceptat. ita Suar. l. c. c. 14. n. 12. Sanch. l. c. num. 26. Less. L. 2. c. 41. num. 8. Pirl. l. c.

3. Dicitur secundo: *in communi vivendi*. ita ut, si quis nulli communitatì adscriptus, in privato ac particulariter paupertatem & castitatem perpetuam voeat, vivarque sub obedientia alicuius Ecclesiastici, non sit adhuc Religiosus propriè, nisi hæc servans vivat in communitate aliqua, approbata à Pontifice, ita ut ex hoc capite neque sanctissime olim, neque modo viventes Eremitæ fuerint veri Religiosi, aut etiam, qui hodie dedito voto perpetua paupertatis & castitatis obedientiam insuper vovent Episcopo vel Confessorio extra Religionem seu Religiosam Comunitatem, eique se tanquam Superiori subjiciant, quia pertale votum non subicitur spirituali ejus jurisdictioni, aut ea ab illo acquiritur, ut mox dicetur. ita Arg. c. unic. de relig. domib. Ec. unic. cod. in 6. Suar. Tom. 3. de relig. tr. 9. L. 1. c. 2. num. 13. Laym. L. 4. tr. 4. c. 1. num. 2. Pelliz. l. c. q. 12. Donat. in prax. regul. tom. 4. tr. 1. q. 4. num. 3. Reiffenst. b. t. n. 8. Pirl. b. t. num. 17. qui tamen non bene addit ita esse spectato jure novo Ecclesiastico, quo secluso, & spectata reinatura, veros esse posse & olim fuisse, qui vitam solitariam extra omnem hominum Congregationem editis tribus votis sub obedientia Superioris non Religiosi. v. g. Episcopi vivebant, qualiter etiam multæ Virgines ac viduæ privatam vitam domi sua ducentes, editis dictis votis ab Episcopo velamen accipientes siebant Sanctimoniales & Religiosæ. pro quo citat Suar. l. c. L. 2. c. 4. num. 3. § 4.

4. Dicitur tertio: *sub jurisdictione alicuius Prelati seu Superioris Ecclesiastici*, nimurum habentis potestatem, non solum gubernativam & quasi dominativam, & economicam seu domesticam, quæ fundatur immediatè in traditione sui & voto ei praefito ad obediendum in omnibus ad regularem observantiam spectantibus, yi cuius potestatis impe-

rare potest subditis, eosque per pœnas temporales ad mandata regulaeque Ordinis servandas cogere, & in hoc deficientes corrigerre, ut Suar. cit. L. 2. c. 18. num. 6. & 8. verum etiam potestatem à Priore distinetam, quæ propriè est jurisdictionis spirituallis, nimurum pertinens ad claves Ecclesiæ, vi cuius potest ligare ac solvere, seu censuras Ecclesiasticas ferre, perque eas subditos coercere, quam non habet vi voti & immunitate à vovente; cum nemo per votum ita se possit alteri subjicere, ut ei in se istiusmodi jurisdictionem spiritualem tribuat, sed derivatur ab ipso Superiore Religionem approbatæ, communicatorque etiam à Superioribus mediatis, puta Generali, Provinciali, Superioribus, inferioribus seu immediatis, nisi forte eam Superioris mediatis sibi reservaverint juxta Ordinis instituta, reliquæ inferioribus solâ potestate coercendæ Religiosos per pœnas temporales, ut Sanch. cit. c. 1. n. 20. Et hanc potestatem jurisdictionis, saltem residentem penes aliquod supremum Ordinis caput, necessariam quoque esse ad perfectum regimen status seu Ordinis Religiosi. astrictæ Pirl. b. t. num. 8. juncto num. 9.

Dicitur quartò: *ad perfectionem caritatis Christianæ tendentium*. si quidem status Religiosus est via seu tendentia ad Christianam perfectionem, que in caritate Dei consistet. estque hæc tendentia, seu conatus & animus seu voluntas aſsequendi hanc perfectionem non quidem per omnia media seu exercitia, quibus ad eam perveniri potest, sed per prescripta in ordinacionibus & statutis Religioni, in qua quis digit, propriis, ut cum D. Thom. 2. 2. q. 184. & 186. Lezana. in summ. qq. regul. c. 1. n. 4. & 5.) de essentia status Religiosi. eti ipsa perfectio habita de ejus essentia non sit. ita ut vere Religiosus non sit, & peccet mortaliter de communi Theologorum, qui etiam sine contemptu habet nudum propositum seu voluntatem non tendendi ad perfectionem, aut etiam universaliter non obseruandi statuta, & ordinationes sui Ordinis, tanquam media ad aſsequendam perfectionem prescripta ex tali animo non servat ea, eti aliaſ sub peccato gravi non obligent, vide D. Tho. & Lezan. II. cit.

6. Dicitur quintò: *editis tribus votis substantialibus*, utpote quæ sunt ipsa principalia & præstantissima media, sine quibus perfectio, quæ tanquam finis intenditur, obtineri nequit, & hinc de essentia Religiosi etiam ex jure divino. Mirand. in man. præ. tom. I. q. 1. num. 4. & 5. Donat. l. c. tom. 4. tr. 1. q. 4. num. 8. Reiffenst. b. t. num. dicens communem. Arg. c. cùm ad Monasterium. de stat. Monach. dum ibi dicitur, quod Papa, cùm manente Religioso non possit dispensare in aliquo ex tribus illis votis, ex ea etiam ratione, quod Christus statutum Religiosum instituens quod ad substantiam dicta vota requiriverit, ut ostensum suprà. Porro vi paupertatis ad constituendum statutum Religiosum requisita, necesse non est Religiosum reddi omnipino incapacem dominii acquirendi vel retinendi, sive ut eo privatetur; sed sufficit, vi illius eum privari potestate utendi rebus pretio estimabilibus vel de iis libere disponendi sine consensu & licentia Superioris, & ut eo volente teneatur à se abdicare earum dominium. Less. L. 2. de Jus. c. 4. num. 27. Sanch. L. 5. mor. c. 1. num. 17. Pirl. b. t. num. 4. neque aliud intelligitur, dum in c. cùm ad Monasterium. de stat. Monach. Dicitur de essentia status Religiosi esse abdicationem proprietatis, nimurum illius, vi cuius retinens dominium rerum suarum possit libere & independenter à voluntate Superioris de iis disponere,

ñere, & de eo hodieum amplius dubitare non licet, postquam Gregor. XIII. in Bulla *ascendente Domino*. definit, eos, qui absolute probationis bienio vota sua in Societate Jesu emittunt, esse verè & propriè Religiosos, non secus, ac Professos ejusdem Societatis, & alterius cuiuscunq; Religionis, eti; retineant ad tempus bonorum suorum dominium, donec iis renunciare jubeantur, ut re ipsa etiam quod ad dominium, quod de cetero dicto modo vinculum se ita habeat quod ad effectum seu in actu secundo, ac si eo caruissent. Castitas vero statu Religioso essentialis est absoluta, & non sufficit conjugalis, utpote quae non est solius consilii sed præcepti. Less. l.c. q. 1. num. 7. Laym. cit. c. 1. n. 5. Pirk. num. 5. Unde necesse est dicere, quosdam Ordines militares ab Ecclesia approbatos limitatam solum seu conjugalem castitatem profidentes, eti; fortè dicantur persone Ecclesiastice quatenus gaudent privilegio canonis & fori, verè, absolute ac propriè non esse Religiosos; quia primaria Christi consilia non servant, sed solum secundum quid. Pirk. l.c. Reiffenst. b.t. à num. 32. citantes D.Th. 2. 2. q. 186. a. 4. ad 3. ac dicentes esse communem Theologorum. Contrarium tamen nihilominus tenentibus apud eundem. Nav. L. 3. cons. 11. b.t. & de reddit. Eccl. q. 1. mon. 55. num. 5. & seq. Sanch. L. 4. mor. c. 16. num. 9. Suar. tom. 4. de relig. l.c. 4. num. 26. qui tamen posterior, dum ibidem distinguit, dicendo, esse illos veros Religiosos quod ad statum, non quod ad usum & obseruantiam; eò quod per dispensationem (intellige generalem) Pontificis ducere possint uxores, id inquam non capio, cum Papa videatur non posse dispensare in aliquo quod est de essentia Religionis (quale quid est obligatio abstinenti ab omni actu carnali, adeoque & usu matrimonii) ita ut dispensatus maneat Religiosus. uti idipsum sentire videtur. Pirk. cum Lessio, quem citat.

7. Dicitur denique: *Status ab Ecclesia approbatu*s, intellige, ita ut non tantum modus vivendi simpliciter sit approbatus, sed etiam ut tanquam vera Religio sit approbatus, ita ut per istiusmodi approbationem constituantur in ratione status Religiosi, qualis ante illam non erat. Sanch. cit. c. 1. n. 19. Pirk. b.t. n. 7. quæ approbatio usu & more antiquo siebat ab Episcopis seu locorum ordinariis pro Diocesis suis Papâ non repugnante, uti de quibusdam Ordinibus puta S. Basili, Augustini, Benedicti ab initio non aliter approbatis testantur. Mirand. tom. 1. man. prat. q. 3. a. 6. Rodriq. 99. regui. q. 1. a. 1. Pirk. l.c. apud Reiffenst. num. 10. postmodum tamen ea reservata fuit tanquam una ex causis majoribus soli Papæ, ut constat ex Concil. generali sub Innoc. III. relato in c. ult. de Religio. domib. item ex Concl. generali Lugdum. sub Gregor. X. relato c. unic. ead. in 6. idque ex ea etiam ratione, quod religionum novitas & tanta diversitas confusionem in Ecclesia Dei causare, ac ita ei nocere posset.

*Quæst. 807. An & que dictorum votorum solennitas sit de essentia status Religiosi?*

1. R Esp. Primò, utiliter prænotando aliqua; ac primò quidem, votum simplex aliud esse, quod fit sine mutatione status. nimurum, quod continet simplicem promissionem Deo factam, etiam sola mente conceptum, jure quidem per hoc acquisto promissario, absque tamen translato dominio & traditione rei promissæ, quale est votum castitatis in seculo emissum, vel etiam ingrediendi Reli-

gionem, utpote per quod votens se non tradit actu Religioni, nec transfert se in peculiare dominium Dei. Aliud est votum complex, quod fit cum traditione, verbis aliis signis externis declarata, & acceptatione ab Ecclesia ejusve ministris loco & vice Dei facta, & per hoc mutatur status hominis, quia fit verus Religiosus juxta cu Bullam Gregor. XIII. Secundò votum dupliciter dicitur solenne, nimurum primò minus propriè pro eo, quod opponitur occulto, & fit publicè coram pluribus testibus, ad maiorem probationem, vel etiam cum aliquo solenni ritu & ceremonia seu forma externa. Secundò propriè ac strictè, pro ut opponitur simplici etiam mutantati statum: estque illud, quod ab Ecclesia nomine & loco Dei acceptatur, per quod in peculiare Dei dominium statumque stabilem, & lego ordinaria perpetuum tranfitur, contractâ utrumque reciprocâ irrevocabili inter votentem & ordinem obligatione, quâ votens seu tradens se Religioni cogitur ab ea non recedere, & Religio è contra eum perpetuò recipere & retinere, ac ita in hac reciprocâ obligatione consistit solennitas hujus voti. Ex qua dein tanquam radice proveniunt alii quidam effectus morales, puta quod lege ordinaria & seclusa dispensatione facta de plenitudine potestatis Pontificis inhabilis efficiatur ad dominium rerum temporalium acquirendum, aut marimonium contrahendum, ita ferè ex Suar. Tom. 3. de relig. L. 2. c. 5. num. 4. & seq. juntio c. 14. num. 10. Pirk. b.t. num. 13. Tertiò: professionem quoque accipi dupliciter, primò, prout abstrahitur à votis simplicibus & solennibus, & dicit solam traditionem sui perpetuam per sua vota, acceptationemque illius ab Ecclesia nomine Dei factam. Secundo, pro illa duntaxat professione, que omni modam indissolubilitatem ex utraque, & prædictas inhabilitates continet. Suar. Tom. 3. de relig. L. 6. c. 1. num. 7. & ex eo Pirk. num. 15. Quartò notandum, emissiōnem votorum, per quam quis efficitur Religiosus, etiam dupliciter sumi, primò, pro ut ea instituta à Christo, præscindendo ab institutione Ecclesiae, quæ eis solennitatem addidit juxta c. unic. de voto in 6. & sic nihil aliud continet, quam quod dictum de votis simplicibus, nimurum traditionem sui perpetuam & acceptationem Ecclesiae absque eo, quod hæc reciprocè sit perpetua & irrevocabilis. Secundo prout substat dispositioni Ecclesiae, quæ pro aliquo tempore, nempe à tempore Gregor. II. ad tempus Gregor. XIII. statuit, ut non nisi solennia vota à quibusvis Religiosis emitterentur, perque ea tantum quis efficeretur Religiosus, quod decretum postea sustulit Gregor. XIII. dum approbat novam Religionem societatis, decrevit in ea etiam per vota simplicia aliquem effici Religiosum. ex quo quoque inferit Suar. l.c. L. 2. c. 11. num. 2. posse Pontificem statuere, ut omnia vota Religiorum constituant Religiosum, essent tantum simplicia, concedendo Superioribus Ordinum, ut possint incorrigibilis aut delinquentes in certis casibus dimittere, & à votis absolvere, etiam non obstante professione solenni antea ab iis editâ; cum solennitas non nisi constitutione Ecclesiastica introducta. his notatis.

2. Resp. Secundò: solennitas votorum non est de essentia illorum in Ordine ad constituendum verum Religiosum. constat ferè ex jam dictis in notabilibus, ex quibus etiam facile solvuntur, quæ in contrarium objici solebant, ut quod, prout dicitur in c. porrectum b.t. & in c. Religio. §. quamvis. de sent. excomm. in 6. Religiosus fiat per professio- nem,

nem, professio autem non fiat nisi per vota solennia; hoc enim, si absolute intelligendum velint adversarii, referendum ad tempora antecedentia citatam Constitutionem Gregor. XIII. postquam non bene ex eo infertur, quod non etiam fiat verus Religiosus emissione votorum simplicium, item quod status Religiosus, qui constituitur per vota solennia, sit longe perfectior, quam qui constituitur per vota simplicia; quia magis stabiliter se quis per ea tradit Religioni, & arctius ei, adeoque & servitio Dei astringitur. nam id verum de majore aliqua perfectione accidentaliter & extrinseca, non vero de intrinseca & essentiali requisita ad statum Religiosum perfectione.

*Quæst. 808. An & unde sit Religiosum diversitas & quotuplicis generis esse sint?*

1. **R**esp. Ad primum: tametsi Religiosi Ordines omnes convenient essentialiter, hoc est in iis, quæ spectant ad essentiam statutus Religiosi, nimirum in emissione trium votorum, & tendentia ad perfectionem, qui est finis principalis & idem omnium, ut Suar. Tom. 4. derelig. tr. 9. de variet. relig. L. 1. c. 1. num. 3. Less. L. 2. c. 41. num. 16. accidentaliter tamen plurimum differunt, tum ex fine particulari, cuique ordini ex institutione illius proprio, tum ex mediis particularibusque exercitiis diversis, quibus unaquaque utitur ad tria vota substantialia observanda, finemque tam principalem quam particularem consequendum melius. D. Thom. 2. 2. q. 188. a. 1. Suar. L. c. Less. L. c. n. 17. Pirk. b. t. n. 20. unde

2. **R**esp. Ad secundum primò: alia est Religio contemplativa seu monastica, quæ ex prima sua institutione ac fine particulari exercet se in contemplatione rerum divinarum; alia activa, quæ principaliter instituta & ordinata ad opera charitatis & misericordiae, sive spiritualia, sive corporalia exhibenda proximo, alia mixta, quæ præterquam quod meditationi seu contemplationi dedita, occupatur in operibus caritatis præsertim spiritualibus, seu procuranda salute animarum, docendo, concionando, Sacraenta administrando, atque ex hoc discrimine major minorve Religionum perfectio desumitur juxta D. Thom. 2. 2. q. 188. a. 1. & Canonistas. in c. sane. b. t. cum vita contemplativa sit melior atque perfectior activa juxta illud Christi: *Illaria optimam partem elegit.* & vita mixta preferatur vita contemplativa, & activa seorsim sumptis, ut D. Thom. L. c. a. 6. Secundò Religiones dividuntur in Clericales, Monachales, Mendicantes, Militares. Clericales sunt, quæ principaliter ordinantur ad chorum divinaque officia exactè peragenda, vel ad salutem animarum procurandam. Monachales, quæ per se primò ad istiusmodi ministeria Clericorum non ordinantur, sed vitam purè contemplativam & solitariam profertur. D. Thom. L. c. q. 189. a. 8. ad 2. Suar. 10. 4. derelig. tr. 9. L. 1. c. 7. num. 6. ut constat ex caus. 16. q. 1. Mendicantes, quæ vi instituti sui paupertatem in communione se contantur nulla possidentes bona immobilia, ex incertis eleemosynis & largitionibus fidelium, sive sponte, sive mendicato factis viventes, quales de jure communis antiquo approbati Ordines sunt Eremitarum S. Augustini, Prædicatorum, Minorum, Carmelitarum prout confat ex c. unic. §. sane. de Religios. dom. in 6. et si aliis earum aliquæ de facto tale genüs paupertatis ex privilegio Sedis Apostolicæ, vel etiam consuetudine, tacito Papæ scientiis & tolerantis consensu approbata, non servent & nihilominus inter Ordines Mendicantes numerentur, ita Suar. L. c. 11. c. 8. num. 3. & 4. Azor. p. 1. L. 12. c. 23. q. 8. Pirk. b. t. num. 22. atque ita in specie Societas Jesu declaratur esse Ordo verè ac propriè mendicans per Bullam Pii V. quæ edita anno 1571. 7. Julii. incipit. *Dum indefinitè idque non tantum ex privilegio, sed ex vi instituti sui juxta quod, ut dicitur in cit. Bulla. bona immobilia possidere nequit, ut id indubitatum de Societate professâ ex confirmatione instituti Societatis, facta à Paulo III. anno 1540. & Bulla Julii III. de anno 1562. idemque disponitur de Coadjutoribus in constitutionibus Societatis. p. 6. c. 2. num. 4. quin & Societatem, prout complectitur scholasticos degentes in Collegiis, habentibus bona immobilia, redditus & census studentium necessitatibus & usibus applicandos, esse Ordinem propriè Mendicantem variis rationibus confirmat.* Pirk. num. 22. vers. solum ergo. Quarum ea est primaria, ex qua ferè ceteræ deducuntur, nimirum, quod una eademque Religio non possit esse simul diversorum Ordinum, & diverso jure censeri, ne alias potius esset multiplex; scholastici autem unâ cum professis & coadjutoribus formati constituant unam Societatem. Unde non possunt scholastici Societatis dici esse Ordinis mendicantis, sumptuaria denominatione à potiore parte totius corporis, & eam non impediens uno ejus membro seu parte integrali. v. g. in praesente hoc vel illo collegio, & scholasticorum congregatione, habente redditus & bona stabilia. Fagn. in c. in presentia de prob. in 6. num. 81. juncto num. 113. & 114. Pirk. b. t. num. 23. Porro de Ordinibus Mendicantibus in particulari, quo tempore & à quibus singuli instituti, ad quos tanquam principales reducantur, & quorum regulis tantur. vide apud Barbos. Jur. Eccles. L. 1. c. 41. à num. 20. & Reiffenst. b. t. a. 34. Militantes, quæ tribus votis substantialibus editis, vi proprii instituti per se primò ordinantur ad militandam pro defensione Christianæ Religionis & Ecclesiæ. quales sunt Melitenses, seu Sancti Joannis Hierosolymitani, Teutonici & similis, quorum professos esse verè ac propriè Religiosos, cum communis Theologorum tenent Rodriq. qq. reg. tom. 1. q. 5. Mirand. man. pral. to. 1. q. 10. a. 4. conc. 3. Reiffenst. b. t. num. 31. cuius contrarium dictum est supra de quibusdam aliis ordinibus militaribus, servantibus ex instituto non nisi castitatem conjugalem. sunt & quædam aliae Religiones hospitalariae, quæ emissis tribus votis substantialibus, vi instituti sui ordinantur per se primò ad exercendam hospitalitatem, curando, excipiendo peregrinos gratis ex mera caritate erga Deum & proximos de quibus Pirk. b. t. n. 24. remittens ad D. Th. 2. 2. q. 188. a. 2. incorp.

*Quæst. 809. Quinam capaces, & quinam incapaces ingredi Religionem?*

1. **R**esp. Religionem ingredi, seu Religiosi fieri possunt Christiani omnes, qui ex natura rei aut jure non prohibentur. Et quidem ex natura rei prohibentur infantes, furiosi & amentes; quippe qui propter defectum usus rationis, & qui nunc supponit, consensu & deliberationis vota religiosa emittere non possunt. D. Tho. 2. 2. q. 189. a. 5. Sanch. L. 5. mer. c. 4. num. 53. cum communis Qualiter vero, dum quis sanæ mentis ingressus religionem, tempore Novitiatûs incidit in furorem, tempus furoris computetur in anno Novitiatûs ex Sanch.

Sanch. L. 5. mor. c. 4. num. 53. resolvit. Barbos. in collectam ad c. 15. b. t. sic distinguendo, ut, si fuerit citio transiens, qualiter contingere solet in phrenesi tempore morbi superveniente, durante que v. g. per octo vel 15. dies, non impedit cursum Novitiatu, neque id tempus transacto anno supplendum; fecus, si esset dementia ordinaria, ut contingere solet in iis, qui nullo alio morbo laborant, & duraret diu v. g. ad mensera, pro quo remittit ad Suan. Tom. 3. derelig. L. 5. c. 4. a. num. 3. & ita tenent Sanch. l. c. num. 34. Pirl. b. t. num. 34. ex ea ratione, quod, licet in tali casu annus probationis propriè non interrupatur, cum, ut supponitur, talis in Religione manserit, interea tamen suspenderetur, ac veluti indormiceret sicut in simili præscriptio quandoque dormit, per L. sicut. c. de præscrip. 30. annorum.

2. De jure verò prohibentur primo ratione etatis impuberces, hoc est, maiores decimo quarto, foemine anno duodecimo, minores nimis, ut non nisi post annos pubertatis, id est, decimo quarto respectu maris, & duodecimo respectu foeminae Novitiatum inchoare possint. Azor. Inst. mor. p. 1. L. 12. c. 2. q. 7. Barbos. ad c. 11. b. t. num. 5. ita ut, licet ante illos annos expletos admitti quis possit ad Religionem, ut Sanch. in decalog. To. 1. L. 4. c. 18. num. 8. cui non contradicit Trid. sif. 25. deregular. c. 15. ubi quod ad Novitiatum inchoationem etatemque ad eam requisitam nihil statuit aut immutat, quam olim statutum fuit. non tamen incipit esse verus Novitus ante expletam illam etatem, ut Barbos. l. c. citatis Angel. Tabien. Sylv. Azor. & Sanch. ubi supra Tom. 2. L. 5. c. 4. num. 21. quin etiam in Societate Jesu nemo ad Novitiatum admitti potest à Provincialibus, aut is validè inchoari citra generalis dispensationem, ante annum decimum quintum, & post annum 50. impletum juxta can. 9. Congreg. generalis obstat. & regul. 16. Provincialis. Unde & vota simplicia Societatis edita ab ingresso Novitiatum ante annum 15. expletum sine dispensatione generalis, adeoque ante annum 17. valida non sunt. Sanch. cit. c. 4. num. 26. Pirl. b. t. num. 27. E contra verò Ordines Militares plerique Novitiatum ante annum 14. ingredi possunt, utpote qui post annum 13. impletum professionem emittere possunt juxta regulam suam, cum decreto Tridentini non comprehendantur, ut Wiestn. b. t. num. 13. citatis Azor. p. 1. L. 13. c. 4. q. 2. Sanch. l. c. L. 5. c. 4. num. 17. De cetero posse pueros impuberces (non tamen invitatos ut Jo-And. inc. 2. b. t. num. 2. Butr. ibid. num. 13. Abb. num. 9. Cardin. num. 2. q. 6. Anchor. num. 8. q. 3. quos citat & quibus inhærente videtur Barbos. l. c. num. 4.) à parentibus & tutoribus offerri Religioni seu Monasterio cum hoc effetu, ut puer non nisi post completam pubertatem resistere possit, si velit, tenent Sanch. in precept. decal. tom. 1. L. 4. c. 18. num. 9. Suan. tom. 3. derelig. l. 5. c. 1. num. 13. de Vecchis. In pr. observand. in admittend. ad relig. Novit. d. 2. dn. 6. Barbos. l. c. num. 3 juxta c. 11. b. t. Sed neque ante pubertatem adeptam posse illum resilire, etiam consentientibus iis, qui eum obtulerunt, repugnante tamen Monasterio, utpote quod per eam oblationem jus acquisivit, ne impubes inde recedat, donec pubes sit, tenent Sanch. l. c. num. 31. apud Barbos. inc. 2. b. t. num. 3. posse autem hanc oblationem & revocationem fieri à patre, etiam invitis tutoribus, si quos habet, quin & à matre invitâ aviâ tutrice;

R. P. Leur. Jur. Can. Lib. III.

item à patre invito avo, habente patrem & nepotem in potestate, inquit etiam à matre transente ad secundas nuptias, assertit Barbos. ad c. 11. b. t. ex Sanch. l. c. n. 16. Quodsi autem impubes citra talam oblationem, & absque parentum aut tutorum consensu ingressus sit Religionem, possunt ii hoc factum irritum reddere, & impuberem revocare (non tamen propriâ autoritate vimque inferendo eundem extrahere, sed' audeundo Superiorum. Sylv. V. religio. q. 11. Sanch. l. c. c. 13. Barb. in c. 2. b. t. n. 5.) nisi anno & die confenserint, quo elapo revocare nequeunt, incipiente hoc anno à die scientiae ingressus habitæ à parentibus, quibus etiam longius ad revocandum tempus concedendum, dum Monasterium remotius est, quam ut interea revocare potuerint. Sanch. in decal. l. c. n. 10. & 11. Barbos. incit. c. 2. b. t. n. 2. non tamen conceditur illis integer annus ad revocandum, sed id solum, quod superest usque ad pubertatem, quam adeptâ cessat jus ad revocandum. Sanch. l. c. num. 12. Barbos. l. c. num. 4.

3. Secundò servus sine licentia Domini Religionem ingredi nequit, &c. si eo invito aut inscio ingressus intra triennium, quod ad Dominum ingressus istius notitia ad eum pervenit ab eo repetatur, restituendus est cum omnibus, qua in Monasterium intulit. Can. ult. 17. q. 2. quia, cum sui juris non sit, injustè se subtraxit testati domini; triennio autem illo elapo, repeti amplius nequit, etiâ Religionem nondum profellus, cit. can. (quod tamen intelligendum videtur, si animo in ea profendi sit ingressus) eò quod dominus, cum posset, eum non repetens, juri suo renunciasset, vel etiam favore Ecclesiæ adversus eum præscriptissime videatur, modò Religio bona fide ipsum receperit, ignorans esse servum, ita ut etiam tunc ad aliam compensationem domino non teneatur. Arg. c. si quis caus. 17. q. 2. licet alias servus fugitivus juxta L. 1. c. de serv. fugit. longo temporis lapsu usu capi non possit, ita cum Gl. in cit. can. V. intratriennum. Barbos. ibidem a. num. 2. Sanch. L. 5. mor. c. 4. a. num. 42. & seq. Pirl. b. t. num. 129. addit tamen Less. L. 2. c. 41. num. 31. intelligenda haec de servo manente tali, & non de eo, qui per fugam ad suos consecutus est libertatem. Habere haec locum non tantum in servis propriis talibus seu mancipiis, sed & in iis, quos iura colonos adscriptios & originarios vocant, quod, tum hie glebae seu fundo colendo adscripti, aut ex origine sua addicti sint, inde avelli sine præjudicio Domini, adeoque eo invito, nequeunt juxta cit. can. tenent Sylv. V. religio 2. q. 3. in fine. Azor. l. c. c. 1. q. 3. Sanch. l. c. num. 48. Wiestn. b. t. num. 3. Pirl. l. c.

4. Tertiò Episcopus, eò quod mattimonii spiritualis cum Ecclesia sua vinculo (quod sine authoritate Papæ solvi nequit, c. inter de translat. Episc. solvi nequit) teneatur, sine ejusdem licentia Ordinem Religiosum ingredi nequit, c. nisi cùm pridem de renunc. c. licet 18. b. t. quam licentiam petenti. Papa concedere non solet, nec de jure debet, nisi ex sex causis. cit. c. licet. relatis aliqua adsit, & insuper facile haberi quis possit, qui illi Ecclesiæ aquae bene præfuturus credatur; cum totius Diœcesis commune bonum privata illius utilitati spirituali sit præferendum: ita D. Tho. 2. 2. q. 18. a. 5. Suan. tom. 3. de relig. L. 1. c. 20. n. 7. Castrop. tr. 16. d. 1. p. 7. §. 1. n. 4. cum communi.

5. Quartò conjux post matrimonium consumatum, nisi adsit causa perpetui divorci, vel alterius

Eccc

rius

rius conjugis licentia, c. 3. & c. 12. de convers. conjugat. ubi de hoc plenius.

6. Quintò oppressus gravi ære alieno debilisque ex delicto vel contractu oneroso uni pluribusve creditoribus obstricetus, dum spes est, ab eo, si in saeculo aliquamdiu perseveret, ex officio vel beneficii fructibus, vel arte aut industria suo statui conveniente acquirendis creditoribus satisfactum iri, ingredi interea Religionem non potest, nisi iisdem creditoribus consentientibus; eò quod ad talia debita solvenda jure naturali ac divino, consilio evangelicis prevalente, teneatur. ita bene Wiestn. b. t. num. 6. juxta constitutionem Sixti V. quæ incipit: *Cum de omnibus*, editam anno 1558. Calend. Decemb. quæ tamen constitutio præter gravissimas penas, tam debitoribus, quam illos recipientibus statuens, illorum quoque professionem, & ipsam susceptionem habitus annullat, per *Clem. conf.*

8. que incipit. In *suprema*, editam anno 1602. quod ad dictam annulationem redactam esse ad terminos juris communis, nusquam irritant talen professionem testantur Sanch. & Castrop. apud Wiestn.

num. 7. Quod si tamen spes non est plena solutionis, poterit debitor, cedens omnibus bonis, juribus & actionibus in favorem creditorum (qui

tunc rationabiliter inviti esse non possint, cum nemo ultra possit teneatur, & actio creditoris, quam creditoris inopia excludit, juxta c. olim. de ref. spol. & L. 16. ff. de dolo. inanis sit) ingredi Religionem, D. Thom. q. 186. a. 6. Navar. comment. 2. de regular. num. 8. Donat. tom. 2. præx. regular. p. 2. tr. 3. q. 13. num. 4. quos sequitur Wiestn. b. t.

7. Sexto sic quoque obnoxii ratiociniis seu redendis rationibus ex administratione rerum publicarum c. uniu. dist. 53. Quin & privataram, non

quidem de jure antiquo, sed vi cit. *Constitutionis*

*Sixtina*, generaliter excludentis quoscunque ita

obnoxios ratiociniis, ut ex hujusmodi causa lis vel

molestia eis jam oblata vel inferenda timeatur, pro-

hibentur ingredi Religionem, et si eorum professio-

sit valida juxta jam dicta de debitoribus.

8. Septimò filii parentum non extremâ solùm necessitate, sed etiam gravi, ita ut non nisi mendicando vel famulatum vel officium statui suo indecorum exercendo, sustentare se possint, labo-

rantium sine propriæ salutis dispendio (quale est,

dum liberi à parentibus ad malum vel peccandum inducerentur, aut ipsi sine gravi animæ periculo in saeculo manere non possent, ut D. Thom. l.c. q. 101. a. 4. ) ingressum Religionis omittere, vel, donec illis prospectum sit, differre tenentur. can. 1. dist. 30. idque ex præcepto divino prævalente consilio, & juxta reprehensionem, *Matt. 15. V. 4.* à Christo factam Phariseorum, intuitu Religionis subtrahentium parentibus honorem & sustentationem debitam. ita cum communi D. Thom. q. 189. c. 6. *Sylv. V. religio.* 2. q. 7. Navar. in man. c. 14. num. 14. Sanch. l. c. L. 4. c. 20. num. 3. Suar. l. c. c. 5. num. 11. Cessante tamen tali necessitate parentum, iis invitatis, liberi ingredi possunt Religionem juxta claros textus juris. c. 2. caus. 20. q. 1. c. 12. b. t. Idem à potiore dicendum de parentibus prohiberi illis ingressum in Religionem ob curam, educationem, alimentorum præstationem, ab iis debitam filiis sub obligatione urgentiore, quam quæ est filiorum erga illos; cum hi ad alendum patrem teneantur tantum per accidens ratione necessitatibus, ii verò ad alimentationem & educationem liberorum, tanquam eorum principium per se & ratione munieris. D. Thom. Nav. II. cit. Laym. L. 4. tr. 5. c. 4. n. 2. in fine.

9. Octavò criminosi, quibus propter enormes excessus publicos penas publica. v. g. mortis, mutilationis, perpetui exilii, tritemium, fustigatio- nis, aliave timetur, juxta cit. *Constitutionem Sixtinam*, et si ea per Confit. Clement. quod ad nullitatem susceptionis habitus & professionis sit revo- cata ad jus commune, & relicta in vigore, quod ad penas Superioribus eos admittentes statutas. ut *Tambur. de jur.* Abb. L. 13. d. 6. q. 3. n. 11. apud Wiestn. b. t. n. 8.

10. Nonò corpore multum vitiati, aut valde deformes, quales sunt cæci, muti, surdi, deformiter claudi, aut gibbosæ. quo etiam spectant lepræ, morbo gallico, morbo caduco infecti, omnesque infirmi & debiles, ut onera Religionis portare, muneraque ejus obire nequeant ut D. Tho. 2. 2. q. 189. a. 10. huc etiam referuntur herma- phroditæ; quia & tales sunt corpore vitiati, & re- cepti in ordinem aliis scandalum præ- bere possent. Reiffenst. b. t.

num. 75.

## CAPUT II.

### De Noviciatu & Novitiis.

Quæst. 810. A qua etate inchoari No-  
viciatus possit?

R Esp. Præter ea, quæ desuper dicta, quæst.  
præced. n. 2. de jure ordinario (in quo,  
quod ad hoc Tridentinum nihil innova-  
vit) Noviciatus inchoari potest statim post  
annum 14. pubertatis completum, non obstante,  
quod professio emitte nequeat ante annum 16.  
completum, neque enim opus est, ut annus prob-  
ationis, immediatè præcedat professionem, sive  
ut Novitus expleto Noviciatu admittatur ad pro-  
fessionem, sed ob rationabilem causam vel impe-

dimentum finito Noviciatu differri potest professio.  
Leff. L. 2. c. 41. num. 59. Sanch. L. 5. mor. c. 4.  
n. 21. Suar. Tom. 3. de relig. L. 5. c. 13. n. 8. Pith.  
b. t. num. 27. His non obstante, quod Trid. sess.  
25. c. 16. dicat, ut finito tempore Noviciatus Su-  
periores Novitios, quorū habiles invenerint, ad  
professionem admittant, aut è Monasterio dimi-  
tant; nam loquitur, non absolute, sed ex hypo-  
thesi, nisi quid obferet, aut occurrat causa differendi  
professionem, ut in declar. concil. l. c. Gallemart.  
n. 7. Tales autem causa sunt, si Novitus videatur  
diutius probandus, vel nondum de bonis suis dispo-  
nit, vel si in morbum inciderit, vel etiam hic ipse  
defe-